

根修治

時珍

今人多以麪煨熟用以去其毒之

氣味苦寒有毒

發明

元素

味苦氣寒苦性泄寒勝熱直達水氣

所結之處乃瀉水之聖藥也水結胸中非此不能除故仲景大陷胸湯用之但有毒不可輕用

時珍

腎主水凝則爲痰飲溢則爲腫脹甘遂能

泄腎經濕氣治痰之本也不可過服但中病則止張仲景治心下留飲與甘草同用取其相反而立功也劉河間保命集云凡水腫服藥未全

消者以甘遂末塗腹遶臍令滿內服甘草水其
腫便去又王璆百一選方云脚氣上攻結成腫
胫及一切腫毒用甘遂末水調敷腫處卽濃煎
甘草汁服其腫卽散二物相反而感應如此清
流韓詠病脚疾用此一服病去七八再服而愈
也

續隨子卽千金子

道地續隨子生蜀郡處處有之苗如大戟凡用
去殼取色白者以紙包壓去油取霜用

氣味辛溫有毒

主治婦人血結月閉癥血癥瘕痞除蠱毒鬼
疰心腹痛冷氣脹滿利大小腸下惡滯物之積
聚痰飲不下食嘔逆及腹內諸疾研碎酒服不
過三顆當下惡物蜀本宜一切宿滯治肺氣水氣
日服十粒瀉多以酸漿水或薄醋粥喫卽止又
塗疥癬瘡大明其功長于解毒祛邪故玉樞丹用
之

發明

頌曰

續隨下水最速然有毒損人不可過用

時珍

續隨與大戟澤漆甘遂莖葉相似主療亦

相似其功皆長于利水惟在用之得法亦皆要

藥也

蓖麻

道地今在處處有之

氣味甘辛平有小毒

發明

震亨

蓖麻屬陰其性善收能追膿取毒亦

外科要藥能出有形之滯物故取胎產胞衣刺

骨膠血者用之

珍

蓖麻仁甘辛有毒熱氣味

頗近巴豆亦能利人故下水氣其性善走能開
通諸竅經絡故能治偏風夫音口噤口目喎斜
頭風七竅諸病不止于出有形之物而已蓋鴆
鵠油能引藥氣入內蓖麻油能拔病氣出外故
諸膏多用之一人病偏風手足不舉時珍用此
油同羊脂麝香鯨鯢甲等藥煎作膏日摩數次
一月餘漸復兼服搜風化痰養血之劑三月而
愈一人病手臂一塊腫痛亦用蓖麻搗膏貼之
一夜而愈一人病氣鬱而偏頭痛用此同乳香

食鹽搗脇太陽穴一夜痛止一婦產後子腸不收搗仁貼其丹田一夜而止此藥外用屢奏奇効但內服不可輕率爾或言搗膏以筋點于鷺馬六畜舌根下卽不能食或點肛內卽下血矣其毒可知矣

常山

道地常山出宜都建平細實黃者呼爲鷄骨常山用之最勝

常山氣味苦寒有毒

欽明

常山蜀漆有劫痰截瘧之功須在登

散表邪久提出陽分之後用之得宜神妙立見
用失其法真氣必傷夫瘧有六經瘧五臟瘧痰
濕食積瘴疫鬼邪諸瘧須分陰陽虛實不可一
槩論也常山蜀漆生用則上行必吐酒蒸炒熟
用則氣少緩少用亦不致吐也得甘草則吐得
大黃則利得烏梅鯁鯉甲則入肝得小麥竹葉
則入心得秫米麻黃則入肺得龍骨附子則入
腎得草果檳榔則入脾蓋無痰不作瘧二物之

功亦在驅逐痰水而已。楊氏瀛直指方云：常山治瘧人皆薄之。瘧家多蓄痰涎，黃水或停滯心下，或結癖脇間，乃生寒熱。法當吐痰逐水。常山豈容不用水？在上焦則常山能吐之，水在脇下則常山能破其滯而下其水。但須行血藥品佐助之，必收十全之功。其有純熱發瘧，或蘊熱內實之證，投以常山，大便點滴而下，似泄不泄者，須用北大黃爲佐，泄利數行，然後獲愈也。又待制李謙云：嶺南瘴氣寒熱所感，邪氣多在營衛。

皮肉之間欲去皮膚毛孔中瘴氣根水非常山
不除也但性吐人惟以七寶散冷服之卽不吐
且驗也

附子

道地出綿州乃故廣漢地惟赤水蘼水昌明會
昌四鄉產附子以蹲坐正節角少者爲上有節
多鼠乳者次之形不正而傷缺風皺者爲下本
草言附子八角者爲良色以花白者爲上鐵色
者次之青綠者爲下

修泊

時珍曰

按附子記云此物最多不能常熟或

種美而苗不茂或苗秀而根不充或已釀而腐或已曝而變若有神物陰爲之者故園人常禱於神目爲藥妖其釀法用醋醅安密室中淹覆彌月乃發出眼乾方出釀時其大有如拳者已定輒不盈握故及一兩者極難得土人云但得半所以上者皆自蜀人餌者少惟秦峽閩浙人宜之然秦人纔市其下者閩浙纔得其中者其上品財皆貴人得之矣附子止用則發散熟用

則峻補生用者須如陰制之法去皮臍入藥熟用者以水浸過炮令發烈去皮臍乘熱切片再炒令內外俱黃去火毒入藥又法每一個用甘草二錢塩水薑汁童便各半盞同煎熟出火毒一夜用之則毒去矣

氣味辛溫有大毒

元素曰

大辛大熱氣厚味薄可

升可降陽中之陰浮中沉無所不至爲諸經引
用之藥

發明

時珍曰

按王氏究原方云附子性重滯溫脾

逐寒川烏頭性輕疎溫脾去風若是寒疾卽用
附子風疾卽用川烏頭一云凡人中風不可先
用風藥及烏附若先用氣藥後用烏附乃宜也
又凡用烏附藥宜宜冷服者熱因寒用也蓋陰
寒在下虛陽上浮治之以寒則陰氣益甚而病
增治之以熱則拒格而不納熱藥冷飲下壅之
後冷體旣消熱性便發而病氣隨愈不違其性
而致大益此反治之妙也昔張仲景治寒痼內
結用蜜煎烏頭近效方治喉痺用蜜炙附子合

之嚙汁朱丹溪治疝氣用烏頭梔子並熱因寒
用也李東垣治馮翰林姪陰盛格陽傷寒面赤
目赤煩渴引飲脉來七八至但按之則散明薑
附湯加人參半斤服之得汗而愈此則神聖之
妙也

吳綬曰

附子乃陰證要藥凡傷寒傳變三陰

及中寒夾陰雖身大熱而脉沉者必用之或厥
冷腹痛脉沉細甚則唇青囊縮者急須用之有
退陰回陽之力起死回生之功近時陰瘧傷寒
往往疑似不敢用附子直待陰生陽竭而用之

已遲矣。且夾陰傷寒，內外皆陰，陽氣頓衰，必須

急用人參、健脈，以益其原。佐以附子，溫經散寒。

捨此不用，將何以救之？劉完素曰俗方治麻痺，多用

烏附，其氣暴，能衝開道路，故氣愈麻。及藥氣盡，

而正氣行，則麻病愈矣。張元素曰附子以白朮爲佐，

乃除寒濕之聖藥。濕藥少，宜加之。引經又益火，

之原，以消陰翳，則便溺有節。烏附是也。虞博曰附

子稟雄壯之質，有斬關奪將之氣，散引補氣藥行

十二經，以追復散失之元陽，引根血藥入血分。

以治養不足之真陰，引發散藥，開腠理，以驅逐

在表之風寒，引溫熱藥，達下焦，以祛除在裏之

冷濕。

震亨曰

氣虛熱甚者，宜少用附子，以行參耆

肥人多濕，亦宜少加。烏附烏附行經，仲景八味

丸用爲少陰嚮導，後世因以附子爲補藥，誤矣。

附子走而不守，取其健悍走下之性，以行地黃

之滯，可致遠爾。烏頭天雄皆氣壯形偉，可爲下

部藥之佐，無人表其害人之禍，相習用爲治風

之藥，及補藥，殺人多矣。

王履曰

仲景八味丸兼陰

火不足者設錢仲陽六味地黃丸爲陰虛者設

附子乃補陽之藥非爲行滯也曰好古烏附非身

涼而四肢厥者不可僭用服附子以補火必防

涸水時珍曰烏附毒藥非危病不用而補藥中少

加引導其功甚捷有人纔服錢七卽發躁不堪

而昔人補藥用爲常劑豈古今運氣不同耶

烏頭

道地此卽烏頭之野生于他處者俗謂之草烏

頭

修治

時珍曰

草烏頭或生用或炮用或以烏大豆

同煮熟用去其毒

烏頭氣味辛溫有大毒

發明

時珍曰

草烏頭射罔乃至毒之藥非若川烏

頭附子人所栽種加以釀制殺其毒性之比自

非風頑急疾不可輕投甄權藥性論言其益陽

事治男子腎氣衰弱者未可遽然也此類止能

搜風勝濕開頑痰治頑瘡以毒攻毒而已豈有

川烏頭附子補右腎命門之功哉吾斷郝知府